

四庫全書

集部

欽定四庫全書

御定全唐詩卷三百七十一

呂溫

吐蕃別

一作列

館月夜

三五窮荒月還應照北堂
迴身向暗卧不忍見圓光

望思臺作

浸潤成宮蠱蒼黃弄父兵
人情疑始變天性感還生字
縣猶能洽閨門詎不平空令
千載後悽愴望思名

孟冬蒲津關河亭作

息駕非窮途未濟豈迷津獨立大河上北風來吹人雪
霜自茲始草木當更新嚴冬不肅殺何以見陽春

鞏路感懷

馬嘶白日暮劒鳴秋氣來我心浩

一作
眇

無際河上空徘徊

徊

題梁宣帝陵二首

即雙臺終自翦覆國豈為雄假號孤城裏何殊

一作
如

在甬

東

祀夏功何薄尊周義不成淒涼庾信賦千載共傷情

岳陽懷古

晨飈發荊州落日到巴丘方知刻刻利可接鬼神遊二
湖豁南寢九派駛東流襟帶三千里盡在岳陽樓憶昔
闕羣雄此馬爭上游吳昌屯虎旅晉盛騫龍舟宋齊紛
禍難梁陳成寇讐鐘鼓長震耀魚龍不得休風雪一蕭
散功業忽如浮今日時無事空江滿白鷗

道州途中即事

零挂佳山水紫陽舊自

一作日

同經途看不暇遇境說難

窮疊嶂青時合澄湘漫處空舟移明鏡裡路入畫屏中

巖壑千家接松蘿一徑通漁煙

一作燈

生縹緲犬吠隔籠

葱戲鳥留餘翠幽花怯

一作悅

晚紅光翻沙瀨日香散橘

園風信美非吾土分憂屬賤躬守愚資地僻卹隱望年
豐且保心能靜那求政必工課終如免戾歸養洛城東

登少陵原望秦中諸川太原王至德妙用

一本無用

字
有水術因用感歎

少陵最高處曠望極秋空君山噴清源脉散秦川中荷

鋪自

一作動

成

一作成雲

雨由來非鬼工如何盛明代委棄傷

幽風涇灞徒絡繹漆沮虛會同東流滔滔去沃野飛秋
蓬大禹平水土吾人得其宗發機迴地勢運思與天通
早欲獻竒策豐財叙西戎豈知年三十未識大明宮卷
爾出岫雲追吾入冥鴻無為學驚俗狂醉哭途窮

奉敕祭南嶽十四韻

皇家禮赤帝謬獲司風域致齋紫蓋下宿設祝融側鳴

澗驚宵寐清猿遞時刻潔潔事夙興簪佩思盡一作畫飾

危壇象嶽趾秘殿翹翬翼登拜不遑願一作顧酌獻皆累

息贊道儀匪繁祝史詞甚直忽覺心魂悸如有精靈逼

漠漠雲氣生森森杉栢黑風吹虛簫韻露洗寒玉色寂

冥有至公馨香在明德禮成謝邑吏駕言歸郡職憩桑

訪蠶事遵疇課農力所願風雨時迴首瞻南極

經河源軍漢邨作

行行忽到舊河源城外千家作漢村
樵採未侵征虜墓
耕耘猶就破羌屯
金湯天險長全設
伏臘華風亦暗存
暫駐單車空下淚
有心無力復何言

題河州赤岸橋

左南橋上見河州
遺老相依赤岸頭
匣塞歌鐘一作受
恩者誰憐被髮
哭東流

題陽人城

忠驅義感即風雷
誰道南方乏武才
天下起兵誅董卓

長沙子弟最先來

晉王龍驤墓

虎旗龍艦順長

一作天

風坐引全吳入掌中
孫皓小兒何

足取便令千載笑爭功

題石勒城二首

長驅到處積人頭
大旆連營壓上游
建業烏棲何足問
慨然歸去王中州

天生傑異固難馴
應變摧枯若有神
夷甫自能疑倚嘯

忍將虛誕誤時

一作人

劉郎浦口號

吳蜀成婚此水濶明珠步障幄黃金誰將一女輕天下
欲換劉郎鼎峙心

自江華之衡陽途中作

孤棹遲遲悵有違沿湘數日逗晴暉人生隨分為憂喜
迴雁峰南是北歸

吐蕃別

一作

館送楊七錄事先歸

愁雲重拂地飛雪亂遙程莫慮前山暗歸人正眼一作眼白

明

奉送范司空赴朔方

得游字

築壇登上將膝席委前籌虜滅南侵跡朝分北顧憂抗
旌迴廣漠撫劔動旄頭坐見黃雲暮行看白草秋山橫

舊秦塞河繞古靈州戍一作善守如無一作兵家又作知兵事惟應

獵騎遊

送文暢上人東遊

隨緣聊振錫高步出東城水止

一作月上

無恒地雲行不計

程到時為彼岸過處即前生今日臨歧別吾徒自有情

喜儉北至送宗禮南行

洞庭舟始泊桂江帆又開魂從會處斷愁向笑中來
惆恍看殘景殷勤祝此盃衡陽刷羽待成取一行迴

送段九秀才歸澧州

湘南孤白芷幽託在清潯豈有

一作在

馨香發空勞知處

深推賢路已隔脈乏力不

一作弗

任慙我一言分貞君千

里心寸義薄聯組片誠敵兼金方期踐冰雪無使弱思
侵

衡州送李十一兵曹赴浙東

慷慨視別劍淒清

涼一作

泛離琴前程楚塞斷此恨

別一作

恨作別

洞庭深文字已久廢循良非所任期君碧雲上千

里一揚音

臨洮送袁七書記歸朝

時袁生作僧蕃人呼為袁師

憶年十五在江湄聞說平涼且半疑豈料殷勤洮水上

却將家

一作歸

信託

一作寄

袁師

江陵酒中留別坐客

尋常縱恣倚青春不契心期便不親今日煙波九疑去
相逢盡是眼中人

道州酬送何山人之容州

匣有青萍筒

一作筒

有書何門不可曳長裾應須定取真

知者遣對明君說子虛

道州送戴簡處士往賀州謁楊侍郎

羸馬孤童鳥道微
三千客散獨南歸
山公念舊偏知我
今日因君淚滿衣

春日遊郭駙馬大安亭子

戚里容閒客
山泉若化成
寄遊芳徑好
借賞彩船輕
春至花常滿
年多水更清
此中如傳舍
但自立功名

楚州追制後舍弟直

一作
在

長安縣失囚花下共

飲

天子收郡印
京兆責獄囚
狂兄與狂弟
不解對花愁

衡州歲前遊合江亭見山櫻蕊未折因賦含彩
悵驚春

山櫻先春發紅蕊滿霜枝幽處竟誰見芳心空自知似
奪朝日照疑畏煖風吹欲問含彩意恐驚輕薄兒

衡州登樓望南館臨水花呈房戴段李諸公

天桃臨方塘暮色堪秋思託根豈求潤照影非自媚罨
挂青柳絲零落綠錢地佳期竟一作意何許時有幽禽至

合江亭檻前多高竹不見遠岸花客命翦之感

而成咏

吉凶豈前卜人事何翻覆緣看數日花却翦凌霜竹常
言契君操今乃妨衆目自古病當門誰言出幽獨

道州春遊歐陽家林亭

道州城北歐陽家去郭一里占煙霞主人雖朴甚有思
解留滿地紅桃花桃花成泥不須掃明朝更訪桃源老

政成興足告即

一作即告
一作則告

歸門前便是家山道

衡州早春偶遊黃溪口號

偶尋黃溪日欲沒
早梅未盡山櫻發
無事江城閉此身
不得坐待花間月

衡州夜後把火看花留客

紅芳暗

一作暖

落碧池頭把火遙看且

一作更

少留半夜忽

然風更起明朝不復上南樓

夜後把火看花南園招李十一兵曹不至呈座

上諸公

天桃紅燭正相鮮
傲吏閒齋困獨眠
應是夢中飛作蝶

悠揚只在此花前

順宗至德大聖大安孝皇帝挽歌詞三首

遐視輕神寶傳歸屬聖猷堯功終有待文德本無憂坐
受朝汾水行看告岱丘那知鼎成後龍馭弗淹留

監撫垂三紀聲徽洽萬方禮因馳道著明自墾田彰積
漸承鴻業從容守太康更留園寢詔恭聽有餘芳

早秋同軌至晨旆露華滋挽度千夫咽笳凝六馬遲劔
悲長閉日衣望出遊時風起西陵樹淒涼滿孝思

詠蜀容石琴枕

可憐他山石幾度

一作歲

負貞堅推遷強為用彫斲傷自

然文含巴江浪色起青城煙更聞餘玉聲時入朱絲弦

河南府試贖帖賦得鄉飲酒詩

酌言修舊典刈楚始登堂百拜賓儀盡三終樂奏長想
同鶯出谷看似雁成行禮罷知何適隨雲入帝鄉

賦得失羣鶴

杳杳冲天鶴風排勢暫違有心長自負無伴可相依萬

里寧辭遠三山詎憶歸但令毛羽在何處不翻飛

道州南樓換柱

鴻災起無朕有見非前知蟻入不足恤柱傾何可追良
工操斤斧沉吟方在斯殫材事朽廢曷若新宏規

道州北池放鵝

我非好鵝癖爾乏鳴雁姿安得免沸鼎澹然遊清池見
生不忍食深情固在斯能自遠飛去無念稻粱為

迴風有懷

銀宮翠島煙霏霏

一作菲菲

珠樹玲瓏朝日暉
神仙望見不

得到却逐迴風何處歸

蕃中答退渾詞二首

退渾種落盡在而為吐蕃所鞭撻有譯者訴情於予

故以此答之

退渾兒退渾兒朔風長在氣何衰
萬羣鐵馬從奴虜強弱由人莫歎時

退渾兒退渾兒冰消青海草如絲
明堂天子朝萬國神島龍駒將與誰

上官昭容書樓歌

貞元十四年友人崔仁亮於東都買得研神記一卷有昭

容列名書縫處因用感歎而作是歌

漢家婕妤唐昭容
工詩能賦千載同
自言才藝是天眞
不服丈夫勝婦人
歌闌舞罷閒無事
縱恣優游弄文字

玉樓寶架中天居
絨竒秘異萬卷餘
水精編帙綠鈿軸

雲母搗紙黃金書
風吹

一作飄

花露清旭時
綺窻高挂紅

綃帷香囊盛煙繡
結絡翠羽拂案青

一作碧

琉璃吟披嘯

卷終

一作紛

無已皎皎淵機破

一作碎

研理詞繁彩翰紫鸞

迴思耿寒天碧雲起碧雲起心悠哉境深轉苦坐自摧

一作金玉一作梯珠履聲一斷瑤階日夜生青苔青苔秘

空一作關曾比羣玉山神仙杳何許遺逸滿人間君不

見洛陽南市賣書肆有人買得研神記紙上香多蠹不成
昭容題處猶分明令人惆悵難為情

聞砧有感

千門儼雲端此地富羅紈秋月三五夜砧聲滿長安幽
人感中懷靜聽淚汎瀾所恨搗衣者不知天下寒

早覺有感

一作懷

東方殊未明暗室蟲正飛先覺忽先起衣裳顛倒時嚴
冬寒漏長此夜如何其不用思秉燭扶桑有清暉

冬日病中即事

墻下長安道囂塵咫尺間久牽身外役暫得病中間背
喜朝陽滿心憐暮鳥還吾廬在何處南有白雲山

病中自戶部員外郎轉司封

羸卧承新命優容獲所安遣兒迎賀客無力拂塵冠偃

仰晴軒暖支離曉鏡寒那堪報恩去感激對衰蘭

久病初朝衢中即事

沉痾曠十旬還過直城闈老馬猶知路羸童欲怕人久
隳三徑計更强百年身許國將何力空生衣上塵

道州城北樓觀李花

夜疑關山月曉似沙場雪曾使西域來幽情望超越將
念浩無際欲言忘所說豈是花感人

一作感
懷抱

自憐抱孤

節

道州秋夜南樓卽事

誰念

一作憐
又作令

獨坐愁日暮此南樓雲去舜祠閉月明滿

水流猿聲何處曉楓葉滿山秋不分

一作照

匣中鏡少年

看白頭

道州觀野火

南風吹烈火焰焰燒楚澤陽景當晝遲

一作連

陰天半夜

赤過處若彗掃來時如電激豈復辨蕭蘭

一作艾

焉能分

玉石蟲蛇盡爍爛虎兕出

一作亦

奔迫積穢

一作皆

蕩除

和氣始融液堯時既敬授禹稼斯肇迹一作植遍生合穎
禾大秀兩岐麥家有京坻詠人無溝壑感乃悟焚如功
來歲終受益

衡州早春二首

碧水何逶迤東風吹沙一作春草烟波千萬一作里曲不辨

嵩陽道

病肺不飲酒傷心不看花惟驚望鄉處猶自隔長沙

郡內書懷寄劉連州竇夔州

朱邑何為者桐鄉有古祠我心常所慕二郡老人知

偶然作二首

棲棲復汲汲忽覺年四十今朝滿衣淚

一作淚
滿衣

不是傷

春泣

中夜兀然坐無言空涕洟丈夫志氣事兒女安得知

古興

越歐百鍊時楚卞三泣地二寶無人識千齡皆棄置空巖起白虹古獄生紫氣安得命世客直來開與秘劔任

刺鐘看玉從投火試必能絕疑惑然後論竒異

風詠

微風生青萍習習出金塘輕搖深林翠靜獵幽徑芳掩
抑時未來鴻毛亦無傷一朝乘嚴氣萬里號清霜北走
摧鄧林東去落扶桑掃却垂天雲澄清無私光悠然返
空寂晏海通舟航

鏡中歎白髮

年過潘岳纔三歲還見星星兩鬢中縱使他時能早達

定知不作黑頭公

友人邀聽歌有感

文章拋盡愛功名三十無成白髮生
辜負壯心羞欲死
勞君貴買斷腸聲

貞元十四年旱甚見權門移芍藥花

綠原青壠漸成塵汲井

一作水

開園日日新四月帶花移

芍藥不知憂國是何人

冬夜即事

百憂攢心起復卧夜長耿耿不可過風吹雪片似花落
月照冰文如鏡破

道州郡齋臥疾寄東館諸賢

東池送客醉年華聞道風流勝習家獨卧郡齋寥落意
處一作隔簾微雨濕梨花

讀小弟詩有感因口號以示之

憶吾一作君未冠賞年華二十年間在咄嗟今來羨汝看

花歲似汝追思昨日花

讀句踐傳

丈夫可殺不可羞如何送我海西頭更生更聚終須報
二十年間死即休

道州月歎

追述蕃中事與道州對言之

別館月犁牛冰河金山雪道州月霜樹子規啼是血壯
心感此孤劍鳴沉火在灰殊未滅

風歎

青海風飛沙射面隨驚蓬洞庭風危檣欲折身若空西

馳南走有何事會須一決百年中

道州感興

當代知文字先皇記姓名七年天下立萬里海西行苦
節終難辨勞生竟自輕今朝流落處嘯水遶孤城

和李使君三郎

一作兄弟

早秋城北亭宴崔司士因

寄關中張評事

黃花古城路上盡見青山桑柘晴川口牛羊落照間野
情隨卷幔塵事隔重關道合偏重賞官微獨不閒鶴分

琴久罷書到雁應還為謝登臨客瓊林一作寄一攀

題從叔園林

阮宅閒園暮窻中見樹陰樵歌依野草僧語過長林
鳥向花間井人彈竹裡琴自嫌身未老已有住山心

送僧歸漳州

幾夏京城住今朝獨遠歸修行四分律護淨七條衣
溪寺黃橙熟沙田紫芋肥九龍潭上路同去客應稀

御定全唐詩卷三百七十一

欽定四庫全書

集部

御定全唐詩卷三百七十二至
四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

謄錄監生臣黃嵩齡

欽定四庫全書

御定全唐詩卷三百七十二

孟郊

孟郊字東野湖州武康人少隱嵩山性介少諧合韓愈
一見為忘形交年五十得進士第調溧陽尉縣有投金
瀨平陵城林薄蒙翳下有積水郊間往坐水旁裒回賦
詩曹務多廢令白府以假尉代之分其半奉鄭餘慶為
東都留守署水陸轉運判官餘慶鎮興元奏為參謀卒

張籍私諡曰貞曜先生郊為詩有理致最為愈所稱然
思苦奇澁李觀亦論其詩曰高處在古無上平處下顧
二謝云集十卷今編詩十卷

列女

一作婦操

梧桐相待老鴛鴦會雙死貞女貴徇夫捨生亦如此波
瀾誓不起妾心井中水

灞上輕薄行

長安無緩步況值天景莫相逢灞澹間親戚不相顧自

歎方拙身忽隨輕薄倫常恐失所避化為車轍塵此中
生白髮疾走亦未一作不得歇

長安羈旅行

十日一理髮每梳飛旅塵三旬九過飲每食唯舊貧萬
物皆及時獨余不覺春失名誰肯訪得意爭相親直木
有恬翼靜流無躁鱗始知喧競場莫處君子身野策藤
竹輕山蕪薇蕨新潛歌歸去來事外風景真

長安道

胡風激秦樹賤子風中泣家家朱門開得見不可入長
安十二衢投樹鳥亦急高閣何人家笙簧正喧吸

送遠吟

河水昏復晨河邊相送頻離杯有淚飲別柳無枝春一
笑忽然斂萬愁俄已新東波與西日不惜遠行人

古薄命妾

不惜十指絃為君千萬彈常恐新聲至

一作發

坐使

一作使我

故聲

一作曲

殘棄置今日悲即是昨日歡將新變故易持

一作將
一作變故為新難青山有靡蕪淚葉長不乾空令後代

一作人采掇幽思攢一作思
幽蘭

古離別

一作對
景惜別

松山雲繚繞萍路一作
合水分離雲去有歸日水分無合

時春芳一作
芳景役雙眼一作
目春色柔四支楊柳織別愁千

條萬條絲

雜怨

一作古樂
府雜怨

憶人莫至悲至悲空自衰寄人莫剪衣剪衣未必歸朝

為雙

一作同

蒂花莫為四散飛花落還遶樹遊子不顧期

天桃花清晨遊女紅粉新天桃花薄莫遊女紅粉故樹

有百年

一作度

花人無一定顏花送人老盡人悲花自閒

貧女鏡不明寒花日

一作日花

少容暗蛩有虛織短線無長

縫浪水不可照狂夫不可從浪水多散影狂夫多異蹤

持此一生薄空成萬

一作百

恨濃

靜女吟

艷女皆妬色靜女獨檢蹤任禮恥任粧嫁德不嫁容君

子易求聘小人難自從此志誰與諒琴弦幽韻重

歸信吟

淚墨灑為書將寄萬里親書去魂亦去兀然空一身

山老吟

不行山下地唯種山上田腰斧斫旅松手瓢汲家泉詎
知文字力莫記日月遷蟠木為我身始得全天年

遊子吟

自註迎母
漂上作

慈母手中線遊子身上衣臨行密密縫意恐遲遲歸誰

言一作難將寸草心報得三春暉

小隱吟

我飲不在醉我歡長寂然酌溪四五盞聽彈兩三弦鍊

性靜棲白日一作洗情深寄玄塞一作淵號怒路傍子貪敗不

貪全

苦寒吟

天寒色一作色寒青蒼北風叫枯桑厚冰無裂文短日有冷

光敲石不得火壯陰奪正一作正奪陽苦調竟一作更何言凍

久一作吟成此章

猛將吟

擬膾樓蘭肉蓄怒時未揚秋輦無退聲夜劍不隱光虎
隊手驅出豹篇心卷藏古今皆有言猛將出北方

傷哉行

衆毒蔓貞松一枝難久榮豈知黃庭客仙骨生不成春
色捨芳蕙秋風遶枯莖彈琴不成曲始覺知音傾館月
改舊照弔賓寫餘情還舟空江上波浪送銘旌

怨詩

一作古怨

試妾與君淚兩處滴池水看取芙蓉花今年為誰死

湘弦怨

昧者理芳草蒿

一作蕭

蘭同一鋤狂

一作盲

颺怒

一作怨

秋林

曲直同一枯嘉木忌深蠹哲人悲巧誣靈均入迴流斲

尚為良謨我願分衆泉清濁各異

一作有

渠我願分衆巢

臬鸞相遠居此志諒難保此情竟何如湘弦少知音孤

響空踟躕

楚竹吟酬盧虔端公見和湘弦怨

握中有新聲楚竹人未聞識音者謂誰清

一作靜

夜吹贈

君昔為瀟湘引曾動瀟湘雲一叫鳳改聽

一作聰

再驚鶴

失

一作出

羣江花匪秋落山日當晝曛衆濁響雜沓孤清

思氛氲欲知怨有

一作者

形願向明月分一掬靈均淚千

年湘水文

遠愁曲

颺颺何所從遺塚行未逢東西不見人哭

一作泣

向青青

松此地有時盡此哀無處容聲翻太白雲淚洗藍田峰

水涉七八曲山

一作石

登千萬重願邀

一作地

玄夜月

一作靈

出視白日蹤

貧女詞寄從叔先輩簡

蠶

一作貧

女非不勤今年獨無春二月冰雪深死盡萬木

身時令自逆行造化豈不仁仰企碧霞仙高控滄海雲
永別勞苦場飄飄遊無垠

邊城吟

西城

一作城

近日

一作水

天俗稟氣候偏行子獨自渴主

一作幽

居人仍賣泉燒烽碧雲外牧馬青坡巔何處鷓突

一作幽

夢歸思寄仰

一作酒

眠

新平歌送許問

邊柳三四尺暮春

一作莫奏

離別歌早迴儒士駕莫飲土番

河誰識匣

一作送

中寶楚雲章句多

殺氣不在邊

殺氣不在邊凜然中國秋道險不在山平地有摧斬河

南

一作中

又起兵清濁俱鎖流
豈唯私客艱擁滯官行舟

況余隔晨昏去家成阻脩
忽然兩鬢雪同

一作因

是一日

愁獨寢夜難曉起視星漢
浮涼風蕩天地日夕聲颼颼

萬物無少色兆人皆老憂
長策苟未立丈夫

一作志士

誠可

羞靈響復何事劍鳴思戮讐

結愛

一作古
結愛

心心復心心結愛務在深
一度欲離

一作言

別千迴結衣

襟結妾獨守

一作棲

志結君早歸意始知
結衣裳不如結

心腸坐結行亦結結盡百年月

弦歌行

驅儼擊鼓吹長笛瘦鬼染面惟齒白暗中萃萃拽茅鞭
僂足朱禪一作禪行戚戚相顧笑聲衝庭燎桃弧射矢時

獨叫

覆巢行

荒城古木枝多枯飛禽嗷嗷朝哺雛枝傾巢覆雛墜地
烏鳶下啄更相呼陽和發生均孕育鳥獸有情知不足

枝危巢小風雨多未容長成已先覆靈枝珍木滿上林
鳳巢阿閣重且深爾今所托非本地烏鳶何得同

一作知

爾心

出門行

長河悠悠去無極百齡同此可歎息秋風白露霑人衣
壯心凋落奪一作舊顏色少年出門將訴誰川無梁兮路

無歧一聞陌上苦寒奏使我佇立驚且悲君今得意厭
梁肉豈復念我貧賤時

海風蕭蕭天雨霜窮愁獨坐夜何長驅車舊憶太行險
始知遊子悲故鄉美人相思隔天闕長望雲端不可越
手持琅玕欲有贈愛而不見心斷絕南山峩峩白石爛
碧海之波浩漫漫參辰出沒不相待我欲橫天無羽翰

湘妃怨

一作湘
靈祠

南巡竟不返二妃

一作
帝子

怨

一作
悲

逾積萬里喪蛾眉瀟湘

水空碧冥冥荒山下古廟收貞魄喬木深青春清光滿

一作
蕭

瑶席寒芳徒有

一作
自

薦靈意殊脉脉玉珮不可親

徘徊烟波夕

巫山曲

巴江上峽重復重陽臺碧峭十二峰荆王獵時逢暮雨
夜卧高丘夢神女輕紅流烟濕艷姿行雲飛去明星稀
目極魂斷望不見猿啼三聲淚滴衣

巫山高

一作行

見盡數萬里不聞三聲猿但飛蕭蕭雨中有一作鬱亭亭

魂千載楚王一作襄恨遺文宋玉言至今晴明天一作青冥

雲結深閨門

楚怨

秋入楚江水獨照汨羅魂手把綠

一作
菱

荷泣意愁珠淚

翻九門不可入一犬吠千門

塘下行

塘邊日欲斜年少早還家徒將白羽扇調妾木蘭花不
是城頭樹那棲來去鴉

臨池曲

池中春蒲葉如帶紫菱成角蓮子大羅裙蟬鬢倚一作寄
迎風雙雙伯勞飛向東

車遙遙

路喜到江盡江上又通舟舟車兩無阻何處不得遊丈
夫四方志女子安可留郎自別日言無令生遠愁旅雁
忽叫月斷猿寒啼秋此夕夢君夢君在百一作北城樓寄

一作寒

淚無因

一作回

波寄恨無因

一作回

輶願爲馭者手與

郎迴馬頭

征婦怨

良人昨日去，明月又不圓。別時各有淚，零落青樓前。君

淚濡羅巾，妾淚滿路塵。羅巾長一作去在手，今得隨妾身。

路塵如得一作因風，得上君車輪。前四句一本別作一首

漁陽千里道，近如中門限。中門踰有時，漁陽長在眼。生

在綠一作綠羅一作羅下，不識漁陽道。良人自成來，夜夜夢

中到。前四句一本別作一首

空城雀

一雀入官倉所食寧損幾祇慮往覆頻官倉終害爾魚
網不在天鳥羅不張水飲啄要自然可以空城裏

閒怨

一作
閨怨

妾恨比斑竹下盤煩冤根有筍未出土中已含淚痕

羽林行

朔雪寒斷指朔風勁裂冰胡中射鵬者此日猶不能翩
翩羽林兒錦臂飛蒼鷹揮鞭快一作決白馬走出黃河凌

古意

河邊織女星
河畔牽牛郎
未得渡清淺
相對遙相望

古別離

欲別牽郎衣
郎今到何處
不恨歸來遲
莫向臨邛去

遊俠行

壯士性剛決
火中見石裂
殺人不迴頭
輕生如鬪別
豈知眼有淚
肯白頭
上髮半一作平生無思酬
劍閒一百月

黃雀吟

黃雀舞承塵
倚恃主人仁
主人忽不仁
買彈彈爾身
何

不遠飛去蓬蒿正繁新蒿粒無人爭食之足為珍莫覲
翻車粟覲翻罪有因黃雀不知言贈之徒慙慙

有所思

桔槔烽火晝不滅客路迢迢信難越古鎮刀攢萬片霜
寒江浪起千堆雪此時西去定如何空使南心遠淒切

求仙曲

仙教生為門仙宗靜為根持心若一作苦妄求服食安足

論鑿惑有靈藥餌真成本源自當出塵網馭鳳登一作升

崑崙

嬋娟篇

花嬋娟泛春泉竹嬋娟籠曉烟
妓嬋娟不長妍月嬋娟
真可憐夜半姮娥朝太一人間本自無靈匹漢宮承寵
不多時飛燕婕妤相妬嫉

南浦篇

南浦桃花亞水紅水邊柳絮由春風
鳥鳴啾啾烟濛濛
自從遠送對悲翁此翁已與少年別
唯憶深山深谷中

清東曲

櫻桃花參差香雨紅霏霏含笑

一作笑

競攀折美人濕羅

衣采采清東曲明眸艷珪玉青巾編上郎上下看不足

南陽公

宮一作

首詞編入新樂錄

望遠曲

朝朝候歸信日日登高臺行人未去植庭梅別來三見
庭花開庭花開盡復幾時春光駘蕩阻佳期愁來望遠
烟塵隔空憐綠鬢風吹白何當歸見遠行客

御定全唐詩卷三百七十二

欽定四庫全書

御定全唐詩卷三百七十三

孟郊

織婦一作女辭

夫是田中郎妾是田中女當年嫁得君為君秉機杼筋力日已疲不息窗下機如何織紉素自着藍縷衣官家榜村路更索栽桑樹

古意

蕩子守邊戍佳人莫相從去來年月多苦愁改形容上

山復下山踏草成古蹤徒言采蘼蕪十度一不逢鑿獨

是明月識志唯寒松井桃始開花一見悲萬重人顏不

再春桃色有再濃捐

一作指

氣入空房無膠乍

一作自

從容

啟貼理針線非獨學裁縫手持未染綵繡為白芙蓉芙

蓉無染污將以表心素欲寄未歸人當春無信去無信

反增愁愁心緣隴頭願君如隴水冰鏡水還流宛宛青

絲線

一作繩

纖纖白玉鉤玉鉤不虧缺青絲無斷絕迴環

勝雙手解盡心中結

折楊柳

楊柳多短枝短枝多別離贈遠屢攀折柔條安得垂青
春有定節離別無定時但恐人別促不怨來遲遲莫言
短枝條中有長相思朱顏與綠楊併在別離期

樓上春風過風前楊柳歌枝疎緣別苦曲怨為年多花
驚燕地雲葉映楚池波誰堪別離此征戍在交河

和丁助教塞上吟

哭雪復吟雪廣文丁夫子江南萬里寒曾未及如此整頓氣候誰言從生靈始無令惻隱者哀哀不能已

古怨別

颯颯秋風生愁人怨離別含情兩相向欲語氣先咽心曲千萬端悲來却難說別後唯所思天涯共明月

古別曲

山川古今路縱橫無斷絕來往天地間人皆有離別行衣未束帶中腸已先結不用看鏡中自知生白髮欲陳

去留意聲向言前咽愁結填心胸茫茫若為一作君說荒

郊烟莽蒼曠野風淒切處處得相隨人那不如月

戲贈陸大夫十二丈

一作樂府戲贈陸大夫十二丈

蓮子不可得荷

一作蓮

花生水中猶勝道傍柳無事

一作時

蕩春風

淥萍與荷葉同此

一作在

一水

一作泉

中風吹荷葉在淥萍

西復東

蓮葉未

一作花不

開時苦心終日卷春水

一作風

徒蕩漾荷

一作

蓮花未開展

勸善吟

醉會中贈
郭行餘

瘦郭有志氣相哀老龍鍾勸我少吟詩俗窄難爾容一
口百味別況在醉會中四座正當喧片言何由通顧余
昧時調居止多踈慵見書眼始開聞樂耳不聰視聽互
相隔一身且莫同天疾難自醫詩癖將何攻見君如見
書語善千萬重自悲咄咄感變作煩惱翁煩惱不可欺
欺一作不可古劍澁亦雄知君方少年少年懷古風藏書

拄屋脊不惜與凡聾我願拜少年師之學崇崇從他笑
為矯矯善亦可宗

望夫石

望夫石夫不來兮江水碧行人悠悠朝與暮千年萬年
色如故

寒江吟

冬至日光白始知陰氣凝寒江波浪凍一作急千里無平

冰飛鳥絕高羽一作樹行人皆晏興荻洲素浩渺碕岸

澌破礧烟舟忽自阻風帆不相乘何況異形體信任為
股肱涉江莫涉凌得意須得朋結交非賢良誰免生愛
憎凍水有再浪飛有載騰一言縱醜詞萬響無善應
取鑒諒不遠江水千萬層何當春風吹利涉吾道弘

審交

種樹須擇地惡土變木根結交若失人中道生謗言君
子芳桂性春榮冬一作濃寒更繁小人槿花心朝在夕不存
莫躡冬冰堅中有潛浪翻唯當金石交可以一作與賢達

論

怨別

一別一迴老志士白髮早在富易為容居貧難自好沉

憂損性靈服藥亦枯槁秋風遊一作容子衣落日行遠道

君問一作問君去何之一作住蹤賤身難一作寧自保

百憂

萱草女兒花不解壯士憂壯士心是劍為君射斗牛朝

思除國讐一作難莫思除國讐計盡山河畫意窮草木籌

智士日千慮愚夫唯四愁何必在波濤然後驚一作生沉

浮伯倫心不醉四皓迹難留出處各有時衆議徒啾啾

路病

病客無主人艱哉求卧難飛光赤道路內火焦肺肝欲
飲井泉竭欲醫囊用單椎顏能幾日壯志忽已殘人子
不言苦歸書但云一作言安愁環在我腸宛轉終無端

衰松

近世交道衰青松落顏色人心忌孤直木性隨改易既

摧棲日幹未展擎天力終是君子材還思君子識

遣興

弦貞五條音

一作五
音調

松直百尺心貞弦含古風直松凌

高岑浮聲與狂葩胡為欲相侵

退居

一作
退老

退身何所食

一作何
食可

敗力不能

一作
得

閒種稻耕白水負

薪斫青山衆聽喜巴唱獨醒愁楚顏日莫靜歸時幽幽

扣松關

卧病

貧病誠可羞故牀無新裘

一作貧病對容羞數整藍縷裘

春色燒肌膚

時食苦咽喉倦寢意蒙昧強言聲幽柔承顏自俛仰有淚不敢流默默寸心中朝愁續莫愁

隱士

本末一相返漂浮

一作泊

不還真山野多餒士市井無饑

人虎豹忌當道麋鹿知藏身奈何貪競者日與患害親

顏貌歲歲改利心朝朝新孰知富生

一作者

禍取富不取

貧寶玉忌出璞出璞先為塵松栢忌出山出山先為薪
君子隱石壁道書為我隣寢興思其一作義一作澹泊
味始真陶公自放歸尚平去一作有依草木擇地生禽
鳥順性飛青青與冥冥所保各不違

獨愁

一作獨怨一
作贈韓愈

前日遠別離昨日生白髮欲知萬里情曉卧半牀月常
恐百蟲鳴使我芳草歇

春日有感

雨滴草芽出一日長一日風吹柳線垂一枝連一枝獨
有愁人顏經春如等閒且持酒滿杯狂歌狂笑來

將見故人

故

一作佳

人季夏中及此百餘日無日不相思明鏡改形

色

一作質

寧知仲冬時忽有相逢期振衣起躑躅頰鯉躍

天池

傷時

常聞貧賤士之常嗟爾

一作草木

富者莫相笑男兒得路卽

榮名邂逅失途成不調古人結交而重義今人結交而
重利勸人一種種桃李種亦直須遍天地一生不愛囑
人事囑即直須為生死我亦不羨季倫富我亦不笑原
憲貧有財有勢即相識無財無勢同路人因知世事皆
只一作如此却向東溪卧白雲

寓言

誰言碧山曲不廢青松直誰言濁水泥不污明月色我
有松月心俗騁風霜力貞明既如此摧折安可得

偶作

利劍不可近美人不可親
利劍近傷手美人近傷身
道險不在廣十步能摧輪
情愛一作憂不在多一夕能傷神

勸學

擊石乃有火不擊元無烟
人學始知道不學非自然
萬事須已運他得非我賢
青春須早為豈能長少年

贈農人

勸爾勤耕田盈爾倉中粟
勸爾伐桑株減爾身上服
清

霜一委地萬草色不綠狂飈一入林萬葉不著木青春
如不耕何以自結束

長安早春

旭日朱樓光東風不驚

一作起

塵公子醉未起美人爭探

春探春不為桑探春不為麥日日出西園祇望花柳色
乃知田家春不入五侯宅

罪松

雖為青松姿霜風何所宜二月天下樹綠於青松枝勿

謂賢者喻勿謂愚者規伊呂代封爵夷齊終身饑彼曲
既在斯我正實在茲涇流合渭流清濁各自持天令設
四時榮衰有常期榮合隨時榮衰合隨時衰天令既不
從甚不敬天時松乃不臣木青青獨何為

感興

拔心草不死去根柳亦榮獨有失意人恍然無力行昔
為連理枝今為斷絃聲連理時所重斷絃今所輕吾欲
進孤舟三峽水不平吾欲載車馬太行路崢嶸萬物根

一氣如何互相傾

感懷

秋氣悲萬物驚風振長道登高有所思寒雨傷百草平生有親愛零落不相保五情今已傷安得自能老

晨登洛陽坂目極天茫茫羣物歸大化六龍頽西荒豺狼日已多草木日已霜饑年無遺粟衆鳥一作馬去空場

路傍誰家子白首離故鄉含酸望松柏仰面訴穹蒼去去去勿復道苦饑形貌傷

徘徊不能寐耿耿含酸辛中夜登高樓憶我舊星辰四
時互遷移萬物何時春唯憶首陽路永謝當時人

長安佳麗地宮月生蛾眉陰氣凝萬里坐看芳草衰玉
堂有玄鳥亦以從此辭傷哉志士歎故國多遲遲深宮

豈無樂擾擾復何為朝見名與利莫還生是非

一作是
與非

姜牙佐周武世業永巍巍

舉才天道親首陽誰采薇去去荒澤遠落日當西歸羲
和駐其輪四海借餘暉極目何蕭索驚風正離披鳴鴉

鳴高樹衆鳥相因依東方有一士歲莫常苦饑主人數
相問脉脉今何為貧賤亦有樂且願掩一作柴扉

火雲流素月三五何明明光曜侵白日賢愚迷至精四
時更變化天道有虧盈常恐今已沒須臾還復生

河梁莫相遇

一作逢

草草不復言漢家正離亂王粲別荆

蠻野澤何蕭條悲風振空山舉頭是星辰念我何時還
親愛久別散形神各離遷未為生死訣長在心目間
有鳥東西來哀鳴過我前願飛浮雲外飲啄見青天

達士

四時如逝水百川皆東波青春去不還一作迴白髮鑷更

多達人識元化一作氣變愁為高歌傾產取一醉富者奈

貧何君看土中宅富貴一作已笑無偏頗

暮秋感思

西風吹垂楊條條脆如藕上有噪日蟬催人成皓首亦

恐旅步難何獨朱顏醜一作朽欲慰一時心莫如千日酒

優哉遵渚鴻自得養身旨不啄太倉粟不飲方塘水振

羽憂浮雲置羅任徒爾

古興

楚血未乾衣荆虹尚埋輝痛玉不痛身抱璞求所歸

勸友

至白涅不緇至交淡不疑人生靜躁殊莫厭相箴規膠漆武可接金蘭文可思堪嗟無心人不如松栢枝

一作青松

妾

夷門雪贈主人

是贈陸長源
陸有荅詩

夷門貧士空吟雪
夷門豪士皆飲酒
酒聲歡閒入雪銷
雪聲激切悲枯朽
悲歡不同歸去來
萬里春風動江柳

堯歌

一作舜歌前篇自註賞鄭氏莊容去婦後篇註逸

爾室何不安爾孝無與齊
一言應對姑一度為出妻往
轍才晚鐘還轍及晨雞往還跡
徒新很戾竟獨迷
娥女無禮數
污家如糞泥
父母吞聲哭
一作瘦
禽鳥亦為啼
如何天與惡
不得和鳴棲

山色挽心肝
將歸盡日看
村肩籃輦子
野坐白髮官

一作

冠
鶯弄方短短花明碎攢攢瑠璃堆可掬琴瑟饒多歡
翠韻仙窈窕嵐漪出無端養館洞庭秋響答虛吹彈

御定全唐詩卷三百七十三

欽定四庫全書

御定全唐詩卷三百七十四

孟郊

亂離

天下無義劍中原多瘡痍
哀哀陸大夫正直神反欺子
路已成血嵇康今尚嗤為君
每一慟如劍在四肢折羽
不復飛逝水不復歸直松
摧高柯弱蔓將何依朝為春
日歡夕為秋日悲淚下無
尺寸紛紛天雨絲積怨成疾

疹積恨成狂癡怨草豈有邊恨水豈有涯怨恨馳我心
茫茫日何之

勸酒

白日無定影清江無定波人無百年壽百年復如何堂

上陳美酒堂下列清歌勸君金曲

一作屈

卮勿謂朱顏醜

松栢歲歲茂丘陵日日多君看終南山千古青峨峨

去婦

君心匣中鏡一破不復全妾心藕中絲雖斷猶牽連安

知御輪士今日翻回轅一女事一夫安可再移天君聽
去鶴言哀哀七絲弦

君子勿鬱鬱士有謗毀者作詩以贈之

君子勿鬱鬱聽我青蠅歌人間少平地森聳山嶽多折
輒不在道覆舟不在河須知一尺水日夜增高波叔孫
毀仲尼臧倉掩孟軻蘭艾不同香自然難為和良玉燒
不熟直竹文不頗自古皆如此其如道在何

日往復不見秋堂莫仍學玄髮不知白曉入寒銅覺為

林未離樹有玉猶在璞誰把碧梧枝刻作雲門樂

聞砧

杜鵑聲不哀斷猿啼不切月下誰家砧一聲腸一絕杵
聲不為客客聞髮自一作盡白杵聲不為衣欲令遊子歸

遊子

萱草生堂堦遊子行天涯慈親倚堂門不見萱草花

自歎

愁與髮相形一愁白數莖有髮能幾多禁愁日日生古

若不置兵天下無戰爭古若不置名道路無欵傾太行
聳巍我是天產不平黃河奔濁浪是天生不清四蹄日
日多雙輪日日成二物不在天安能免營營

求友

北風臨大海堅冰臨河面下有波瀾對之無由見求
友須在良得良終相善求友若非良非良中道變欲知
求友心先把黃金鍊

投所知

苦心知苦節不容一毛髮鍊金索堅貞洗玉求明潔自
慙所業微功用如鳩拙何殊嫫母顏對彼寒塘月君存
古人心道出古人轍盡美固可揚片善亦不過朝向公
卿說暮向公卿說誰謂黃鍾管化為君子舌一說清嶰
竹二說變嶰谷三說四說時寒花折寒木惝惝家道路
燦燦我衣服豈直輝友朋亦用慰骨肉一暖荷足素一
飽荷升粟而況大恩恩此身報得足且將食槩勞酬之
作金刀

病客吟

主人夜呻吟皆入妻子心客子一作遠客晝呻吟徒為蟲鳥

音妻子手中病愁思不復深僮僕手中病憂危獨難任

丈夫久漂泊神氣自然沈況於滯疾中何人免噓歎大

海亦有涯高山亦有岑沈一作此憂獨無極塵淚互一作欲

盈襟

感懷

孟冬陰氣交兩河正屯兵烟塵相馳突烽火日夜驚太

行險阻高輓粟輸連營奈何操弧者不使臬巢傾猶聞
漢北兒怙亂謀縱橫擅搖干戈柄呼叫豺狼聲白日臨
爾軀胡為喪丹誠豈無感激士以致天下平登高望寒
原黃雲鬱崢嶸坐馳悲風莫歎息空沾纓

離思

不寐亦不語片月秋稍舉孤鴻憶霜羣獨鶴叫雲侶怨
彼浮花心飄飄無定所高張繫絆帆遠過梅根渚迴織
別離字機聲有酸楚

結交

鑄鏡須青銅青銅易磨拭結交遠小人小人難姑息鑄
鏡圖鑑微結交圖相依凡銅不可照小人多是非

傷春

兩河春草海水清十年征戰城郭腥亂兵殺兒將女去
二月三月花冥冥千里無人旋風起鶯啼燕語荒城裏
春色不揀墓傍株紅顏皓色逐春去春去春來那得知
今人看花古人墓令人惆悵山頭路

擇友

獸中有人性形異遭人隔人中有獸心幾人能真識古
人形似獸皆有大聖德今人表似人獸心安可測雖笑
未必和雖哭未必戚面結口頭交肚裏生荆棘好人常
直道不順世間逆惡人巧諂多非義苟且得若是傲真
人堅心如鐵石不諂亦不欺不奢復不溺面無愠色容
心無詐憂惕君子大道人朝夕恆的的

夜憂

豈獨科斗死所嗟文字捐蒿蔓轉驕弄一作菱荇減嬋娟
未遂擺鱗志空思吹浪旋何當再霖雨洗濯生華鮮

惜苦

于鵠值諫議以毬不能官焦蒙值舍人以盃不得完一作

官可惜大雅旨意此小團樂名迴不敢辨心轉實是難
不惜為君轉轉非君子觀轉之復轉之強轉誰能歡哀
哉虛轉言不可窮波瀾

寒地百姓吟

自註為鄭相其年居河南畿內百姓大蒙矜卹

無火炙地眠半夜皆立號冷箭何處來棘針風騷勞一作

騷霜吹破四壁苦痛不可逃高堂槌鐘飲到曉聞烹炮

寒者願為蛾燒死彼華膏華膏隔仙羅虛遠千萬遭到
頭落地死踏地為遊遨遊遨者是誰君子為鬱陶

出東門

餓馬骨亦聳獨驅出東門少年一日程衰叟十日奔寒
景不我為疾走落平原眇默荒草行恐懼夜魄翻一生
自組織千首大雅言道路如抽蠶宛轉羈腸繁

教坊歌兒

十歲小小兒能歌得朝

一作聞

天六十孤老人能詩獨臨

川去年西京寺衆伶集講筵能嘶竹枝詞供養繩牀禪
能詩不如歌悵望三百篇

訪疾

冷氣入瘡痛夜來痛如何瘡從公怒生豈以私恨多公
怒亦非道怒消乃天和古有煥輝句嵇康閒婆婆請君
吟嘯之正氣庶不訛

酒德

酒是古明鏡，輾開小人心。醉見異舉止，醉聞異聲音。酒功如此多，酒屈亦以深。罪人免罪酒，如此可為箴。

冬日

老人行人事，百一不及周。凍馬四蹄吃，陟卓難自收。短景仄飛過，午光不上頭。少壯日與輝，衰老日與愁。日一作

自愁疑在日，歲箭迸如讐。萬事有何味，一生虛自囚。不知文字利，到死空遨遊。

饑雪吟

饑鳥夜相啄，瘡聲互悲鳴。
冰腸一直刀，天殺無曲情。
大雪壓梧桐，折柴墮崢嶸。
安知鸞鳳巢，不與臬鳶傾。
下有辛災兒，拾遺多新爭。
但求彼失所，但誇此一作誇經營。
君子亦拾遺，拾遺非拾名。
將補鸞鳳巢，免與臬鳶并。
因為饑雪吟，至曉竟一作不平。

偷詩

餓犬齧枯骨，自喫饒饑涎。
今文與古文，各各稱可憐。
亦

如嬰兒食錫桃口旋旋唯有一點味豈見逃景延繩床
獨坐翁默覽有所傳終當罷文字別著逍遙篇從來文
字淨君子不以賢

晚雪吟

貧富喜雪晴出門意皆饒鏡海見纖悉冰天步飄飄一
一仙子行家家塵聲銷小兒擊玉指大耋歌聖朝睿氣
流不盡瑞仙何夙寥始知望幸色終疑異禮招市井亦
清潔閭閻聳岩堯蒼生願東顧翠華仍西遙天念豈薄

厚宸衷多憂焦憂焦致太平以茲時比堯古耳有未通
新詞有潛韶甘為酒伶擯坐恥歌女嬌選音不易言裁
正逢今朝今朝前古文律異同一調願於堯瑄中奏盡
鬱抑謠

自惜

傾盡眼中力抄詩過於人自悲風雅老恐被巴竹嗔零
落雪文字分明鏡精神坐甘冰抱晚永謝酒懷春徒有
言言舊慙無默默新始驚儒教誤漸與佛乘親

老恨

無子抄文字老吟多飄零有時吐向床枕席不解聽鬪
蟻甚微細病聞亦清冷小大不自識自然天性靈

湖州取解述情

雪水徒清深照影不照心白鶴未輕舉衆鳥爭浮沉因
茲挂帆去遂作歸山吟

落第

曉月難為光愁人難為腸誰言春物榮獨一作豈見葉一作起

花一作上霜鷓鴣失勢病一作鶴鷓鷓鴣假一作改翼翔棄

置復棄置情如刀劍一作刃傷

詠懷一作詠情
一作感寓

濁水心易一作已傾明波興初發思逢海底人乞取蚌中

月此興若未諧此心終不歇

病起言懷

強行尋溪一作淨水洗却殘病姿花景晚晚盡麥風清冷

吹交道賤一作卧來見世情貧去知高閒思楚逸澹泊一作

淺薄厭齊兒終伴碧山侶結言青桂枝

秋夕貧居述懷

卧冷無遠夢聽秋酸別情高枝低枝風千葉萬葉聲淺
井一作水不供飲瘦田長廢耕今交非古交貧語聞皆輕

夜感自遣

一作失志夜坐思歸
楚江又作苦學吟

夜學曉未休苦吟神鬼愁如何不自閒心與身為讐死
辱片時痛生辱長年羞清桂無直枝碧江思舊遊

再下第

一夕九起嗟夢短不到家兩度長安陌空將淚見花

下第東歸留別長安知己

共照日月影獨為愁思人豈知鷓鴣鳴

一作鷓鴣
等閒鳴

瑤草

不得春一片兩片雲千里萬里身雲歸嵩之陽身寄江
之濱棄置復何道楚情吟白蘋

失意歸吳因寄東臺劉復侍御

自念西上身忽隨東歸風長安日下影又落江湖中離
婁豈不明子野豈不聰至寶非眼別至音非耳通因緘

俗一作物

外詞一作調

仰一作遠

寄高天

一作飛

鴻

下第東南行

越風東南清楚日瀟湘明試逐伯鸞去還作靈均行江
離伴我泣海月投人驚失意容貌改畏途性命輕時聞
喪侶猿一叫千愁并一作生

歎命

三十年來命唯藏一卦中題詩還問一作怨問易問易
蒙復蒙本望文字達今因文字窮影孤別離月衣破道

路風歸去不自息耕耘成楚農

遠遊

慈烏不遠飛孝子念先歸而我獨何事四時心有違江

海戀空積波濤信來稀長為路傍食

一作客

著盡家中衣

別

一作烈

劍不割物離人難作威遠行少僮僕驅使無是

非為性玩好盡積愁心緒微始知時節駛夏

一作愛

日非

長輝

商州客舍

商山風雪壯遊子衣裳單四望失道路百憂攢肺肝日
短覺易老夜長知至寒淚流瀟湘弦調苦屈宋彈識聲
今所易識意古所難聲意今詎一作竟誰辨高明鑒其端

長安旅情

盡說青雲路有足皆可至我馬亦四蹄出門似無地玉
京十二樓栽栽倚青翠下有千朱門何門薦孤士

長安羈旅

聽樂別離中聲聲入幽腸曉淚滴楚瑟夜魄遶吳鄉幾

回羈旅情夢覺殘燭光

渭上思歸

獨訪千里信回臨千里河家在

一作住

吳楚鄉淚寄東南

一作流波

登科後

昔日齷齪不足誇今朝放

一作曠

蕩思無涯

一作然未可涯今日坦

春風

一作青春

得意馬蹄疾一日看盡長安花

初於洛中選

塵土日易沒驅馳力無餘青雲不我與白首方選書宦
途事非遠拙者取自疎終然戀皇邑誓以結吾廬帝城
富高門京路遠一作饒勝居碧水走龍蛇一作狀蜿蜒遶庭
除尋常異方客過此亦踟躕


乙酉歲舍弟扶侍歸興義莊居後獨止舍待替
人

誰言舊居止主人忽成客僮僕強與言相懼終脉脉出
亦何所求入亦何所索飲食迷精麤衣裳失寬窄回風

卷開簾新月生空壁
士有百役身官無一姓
宅丈夫恥自飾衰鬢
從颯白蘭交早已謝
榆景徒相迫惟予心中
鏡不語光歷歷

西齋養病夜懷多感因呈上從叔子雲

遠客夜衣薄厭眠待雞鳴
一床空月色四壁秋蛩聲
守淡遺衆俗養疴念餘生
方全君子拙恥學小人明
蚊蚋亦有時羽毛各有成
如何騏驥跡蹉跎未能行
西北有平路運來無相輕



御定全唐詩卷三百七十四

欽定四庫全書

集部

御定全唐詩卷三百七十五至
七

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

謄錄監生臣沈立銘

欽定四庫全書

御定全唐詩卷三百七十五

孟郊

秋懷

孤骨夜難卧吟蟲相唧唧
老泣無涕洟秋露為滴瀝
去壯暫如翦來衰紛似織
觸緒無新心叢悲有餘憶
詎忍逐南帆江山踐往昔

秋月顏色冰

去聲

老客志氣單冷露滴夢破
峭風梳骨寒

席上印病文腸中轉愁盤疑懷無所憑虛聽多無端梧
桐枯崢嶸聲響如哀彈

一尺月透戶乞粟如劍飛老骨坐亦驚病力所尚微蟲

苦貪

一作舍

剪色烏危巢焚輝媚娥理故絲

一作煩緒

孤哭

一作

坐

抽餘思

一作噫

浮年不可追衰步多夕歸

秋至老更貧破屋無門扉一片月落床四壁風入衣踈

夢不復遠弱心良易歸商葩將去

一作老

綠繚繞爭餘輝

野步踏

一作賤

事少病謀向物違幽幽草根蟲生意與我

微

竹風相戛語幽閨暗中聞鬼神滿衰聽恍惚難自分商
葉墮乾雨秋衣卧單雲病骨可刺物酸呻亦成文瘦攢
如此枯壯落隨西曛裊裊一線命徒言繫網緼

老骨懼秋月秋月刀劍稜纖輝不可干冷魂坐自凝羈
雌巢空鏡仙颺蕩浮水驚步恐自翻病大不敢凌單床
寤皎皎瘦卧心兢兢洗河不見水透濁為清澄詩壯昔
空說詩衰今何憑

老病多異慮朝夕非一心商蟲哭衰運繁響不可尋秋
草瘦如髮貞芳綴疎金晚鮮詎幾時馳景還易陰弱習
徒自恥莫知欲何任露才一見讒潛智早已深防深不
防露此意古所箴

歲暮景氣乾秋風兵甲聲織織勞無衣嚶嚶徒自鳴商
聲聳中夜蹇支廢前行青髮如秋園一翦不復生少年
如餓花瞥見不復明君子山嶽定小人絲毫爭多爭多
無壽天道戒其盈

冷露多瘁索枯風曉

一作
鏡

吹噓秋深月清苦蟲老聲麤

疎頽珠枝纒纒芳金蔓舒舒草木亦趣時寒榮似春餘

悲彼

一作
自悲

零落生與我心何如

老人朝夕異生死每日中坐隨一啜安卧與萬景空視

短不到門聽澀詎逐風還如刻削形免有纖悉聰浪浪

謝初始皎皎幸歸終孤隔文章友親密蒿萊翁歲綠閔

以黃秋節迸又

一作
已

窮四時既相迫萬慮自然叢南逸

浩淼際北貧磽确中曩懷沈遙江衰思結秋嵩

一作
蓬鋤

食難滿腹葉衣多醜躬塵

一作

縷不自整古吟將誰通

幽竹嘯鬼神楚鐵生虬龍志士多異感運鬱由邪衷常
思書破衣至死教初童習樂莫習聲習聲多頑聾明明
胸中言願寫為高崇

幽苦日日甚老力步步微常恐暫下牀至門不復歸
者重一食寒者重一衣泛廣豈無溪恣行亦有隨

一作
隨時

語中失次第身外生瘡痍桂蠹既潛朽

一作
汚

桂花損貞

姿詈言一失香千古聞臭詞將死始前悔前悔不可追

衰哉輕薄行終日與駟

一作欲驅馳

流運閃欲盡枯折皆相號棘枝風哭酸桐葉霜顏高老

蟲乾鐵鳴驚獸孤玉咆商氣洗

一作滿

聲瘦晚陰驅景勞

集耳不可遏噎神不可逃蹇行散餘鬱幽坐誰與曹抽

壯無一線剪懷盈千刀清詩

一作清詩

既名眺

一作郊

金菊亦

姓陶收拾昔所棄咨嗟今比毛幽幽歲晏言零落不可

操

霜氣入病骨老人身生冰衰毛暗相刺冷痛不可勝鷲

嗚伸

一作神

至明强强攬所憑瘦坐形欲折腹

一作晚

饑心

將崩勸藥左右愚言語如見憎聳耳噎神開

一作神氣開

始知功用

一作者

能日中視餘瘡暗隙

一作鏤

聞繩

一作細

蠅

彼齷一何酷此味半點凝潛毒爾無厭餘生我堪矜凍

飛幸不遠冬令反心懲出沒各有時寒熱苦

一作莫

相凌

仰謝調運翁請命願有徵

黃河倒上天衆水有却來人心不及水一直去不迴一

直亦有巧不肯至蓬萊一直不知疲唯聞至省臺忍古

不失古失古志易摧失古劍亦折失古琴亦哀夫子失
古淚當時落淮淮詩老失古心至今寒皚皚古骨無濁
肉古衣如蘚苔勸君勉忍古忍古銷塵埃

詈言

一作
署劍

不見血殺人何紛紛聲如窮家犬吠竇何狺

狺詈痛幽鬼哭詈侵黃金貧言詞豈用多憔悴在一聞
古詈舌不死至今書云云今人詠古書善惡宜自分秦
火不熱舌秦火空熱文所以詈更生至今橫網緼

靖安寄居

寄靜不寄華

一作
華

愛茲嵒岨居渴飲濁清泉
饑食無名

蔬敗菜

一作
菜

不敢火補衣亦寫書
古云儉成德今乃寶

起予慙叟慙不足賢人賢有餘役生皆促促心竟誰舒
舒萬馬踏風衢衆塵隨犇車高賓盡不見大道夜方虛
卧有洞庭夢坐無長安儲英髦空駭耳烟火獨微如厚
念恐傷性薄田憶親鋤承一作
忙世不出力冬竹肯抽殖
外物莫相誘約心誓從初碧芳既似水日日詠歸歟

雪

忽然太行雪昨夜飛入來
峻嶒墮庭中嚴白何皚皚
婢曉開戶四肢凍徘徊
咽言詞不成告訴情狀
摧官給未入門家人盡
以灰意勸莫笑雪笑雪貧
為災將暖此殘疾典賣
爭致杯教令再舉手誇
曜餘生才強起吐巧詞
委曲多新裁為爾作非
夫忍恥轟喝雷書之與
君子庶免生嫌猜

春愁

春物與愁客遇時各有違
故花辭新枝新淚落故衣
日

莫兩寂寞飄然亦同歸

懊惱

惡詩皆得官好詩空抱山抱山冷琬琬

音擊寒貌

終日悲顏

顏好詩更相嫉劒戟生牙關前賢死已久猶在咀嚼間
以我殘杪身清峭養高閒求閒未得閒衆誚瞋虬虬

遊城南韓氏莊

初疑瀟湘水鑱在朱門中時見水底月

一作有時池底山

動搖

池上風清氣潤竹林白光連虛空浪簇霄漢羽岸芳金

碧叢何言數畝間
環泛路不窮
願逐一作常慕神仙侶飄然

一作從茲汗漫通

與二三友秋宵會話清上人院

何處山不幽
此中情又別
一僧敲一磬
七子吟秋月
激石泉韻清
寄枝風嘯咽
冷然諸境靜
頓覺浮累滅
扣寂兼探真
通宵詎能輟

好鳥無雜棲
華堂有嘉攜
琴樽互傾奏
歌賦相和諧
但嘉魚水合
莫令雲雨乖
一為鷓鴣彈
再鼓壯士懷
初景

待誰曉新春逐

一作還

君來願言良友會高駕不知迴

招文士飲

曹劉不免死誰敢負年華文士莫辭酒詩人命屬花退
之如放逐李白自矜夸萬古忽將似一朝同歎嗟何言
天道正獨使地形斜南士愁多病北人悲去家梅芳已
流管柳色未藏鴉相勸罷吟雪相從愁飲霞醒時不可
過愁浩浩無涯

陪侍御叔遊城南山墅

夜坐擁腫亭晝登崔巍岑日窺萬峰首月見雙泉心松
氣清耳目竹氛碧衣襟佇想

一作
仰悲

琅玕字數聽枯槁吟

登華巖寺樓望終南山贈林校書兄弟

地脊亞為崖聳出冥冥中樓根插迴雲殿翼翔危空前
山胎元氣靈異生不窮勢吞萬象高秀奪五嶽雄一望
俗慮醒再登仙願崇青蓮三居士晝景真賞同

遊終南山

南山塞天地日月石上生高峰夜留景

太白峰西黃
昏後見餘日深

谷晝未明山中人自正路險心亦平長風驅松栢聲拂
萬壑清到此悔讀書朝朝近浮名

遊終南龍池寺

飛鳥不到處僧房終南巔龍在水長碧雨開山更鮮步
出白日上坐依清溪邊地寒松桂短石險道路一作苔一作磴偏
晚磬送歸客數聲落遙天

南陽公請東櫻桃亭子春讌

萬木皆未秀一林一作株先含春此地獨何力我公布深

仁霜葉日舒卷風枝遠埃塵初英濯紫霞飛雨流清津
賞異出囂雜折芳積懽忻文心茲焉重俗尚安能珍碧
玉粧粉比飛瓊穠艷均鴛鴦七十二花態併相新常恐
遺秀志迨茲廣讌陳芳菲爭勝引歌詠竟良辰方知戲
馬會永謝登龍賓

遊華山雲臺觀

華嶽獨靈異草木恒新鮮山盡五色石水無一色泉仙
酒不醉人仙芝皆延年夜聞明星館時韻女蘿弦敬茲

不能寐焚栢吟道篇

喜與長文上人宿李秀才小山池亭

燈盡語不盡主人庭砌幽
柳枝星影曙蘭葉露華浮
塊嶺笑羣岫片池輕衆流
更聞清淨子逸唱頗難儔

邀花伴

自註時
在朔方

邊地春不足十里見一花
及時須遨遊日莫饒風沙

石淙

一作五
淙十首

巖谷不自勝水木幽奇多朔風入空曲
涇一作流無大

波迢遞徑

一作迢

難盡參差勢相羅雪霜有時洗塵土無

由和潔冷

一作結吟

誠未厭晚步將如何

出曲水未斷入山深更重泠泠若仙語皎皎多異容萬

響不相雜四時皆有

一作自

濃日月互分照雲霞各生峰

久迷向方理逮茲聳前蹤

荒策每恣遠慙步難自迴已抱苔蘚疾尚凌潺湲隈驛

驥苦銜勒籠禽恨推頽實力苟未足浮誇信悠哉顧惟

非時用靜言還自吟

朔水刀劍利秋石瓊瑤鮮魚龍氣不腥潭洞狀更妍磴

雪入呀谷掬星灑遙天聲忙一作迫不及韻勢疾多斷連

輸去雖有恨躁氣一作翻一何顛蜿蜒相纏掣犖确亦迴

旋黑草濯鐵髮白苔浮冰錢具一作其生此云遙非德不

可甄何況被犀士制之空以權始知靜剛猛文教從來

先

空谷聳視聽幽湍澤心靈疾流脫鱗甲疊岸衝風霆丹

巘墮瓌景霽波灼一作閃虛形淙淙厖厚軸稜稜攢高冥

弱棧跨旋碧危梯倚凝青飄飄一作鶴骨仙飛動鼇背

庭

一作亭

常聞誇大言下顧皆細萍

百尺明鏡流千曲寒星飛為君洗故物有色如新衣不

飲泥土污但飲雪霜饑

一作肌

石稜玉纖纖草色瓊霏霏

谷磴有餘力溪春亦多機從來一智萌能使衆利歸因

之山水中喧然論是非

入深得竒趣昇險為良躋搜勝有聞見逃俗無蹤蹊穴

流恣迴轉竅景忘東西躡獸鮮猜懼羅人巧置第幽馳

異處所忍慮多端倪虛獲我何飽實歸彼非迷斯文浪
云潔此旨誰得齊

屑珠瀉潺湲裂玉何威瓌若調千瑟弦未果一曲諧古

駭毛髮慄險驚視聽乖二一作土老皆勁骨風趨緣欹崖

地遠有餘一作遺美我遊采棄一作奇懷乘時辛勤鑿前恨

多幽羸弱力謝剛健蹇策貴安排始知隨事靜何必當

夕齋

昔浮南渡颺今攀朔山景物色多瘦削吟笑還孤永日

月凍有稜雪霜空無影玉噴不生冰瑤渦旋成井潛角
時聳光隱鱗乍漂回再吟獲新勝返步失前省愜懷雖
已多惕慮未能整顏陽落何處昇魄銜踈嶺

聖朝搜巖谷此地多遺玩怠惰成遠遊頑踈恣靈

一作虛

觀勁飈刷幽視怒水懾餘愞曾是結芳

一作茅

誠遠茲勉

流倦冰條聳危慮霜翠瑩遐盼物誘信多端荒尋諒難
遍去矣朔之隅儵然楚之甸

遊韋七洞庭別業

洞庭如瀟湘，疊翠蕩浮碧。松桂無赤日，風物饒清激。逍
遙展幽韻，參差逗良覲。道勝不知疲，冥搜自無斃。曠然
青霞抱，永矣白雲適。崆峒非凡鄉，蓬瀛在仙籍。無言從
遠尚，還思君子識。

一作茲焉
與之敵

波濤激古岸，鏗鏘辨竒石。

靈響非外求，殊音自中積。人皆走煩濁，君能致虛寂。何
以祛擾擾，叩調清淅淅。既懼豪華損，誓從詩書益。一舉
獨往姿，再搗飛遁跡。山深有變異，意愜無驚惕。采翠奪
日月，照耀迷晝夕。松齋何用掃，蘿院自然滌。業峻謝煩

蕪文高追古昔暫遙朱門戀終立青史績物表易淹留
人間重離析難隨洞庭酌且醉橫塘席

越中山水

日一作動覺耳目勝我來山水州蓬瀛若髣髴田一作四

野如泛浮碧嶂幾千遶清泉一作源萬餘流莫窮合沓步

孰盡派別遊越水淨難污越天陰易收氣鮮無隱物目

視遠更周舉俗一作殊媚蔥蒨連冬擷芳柔菱湖有餘翠

茗圃無荒疇賞異忽已遠探竒誠淹留永言終南色去

矣銷人憂

春集越州皇甫秀才山亭

嘉賓

一作嘉誘
一作善友

在何處置亭春山巔顧余寂寞者謬廁

芳菲筵視聽日澄澈聲光坐連綿晴湖瀉峰嶂翠浪多
萍蘚何以逞高志為君吟秋天

一作
篇

和皇甫判官遊瑯琊溪

山中琉璃境物外瑯琊溪房廊逐巖壑道路隨高低碧
瀨漱白石翠烟含青蛻客來暫遊踐意欲忘簪珪樹杪

燈火夕雲端鐘梵齊時同雖可仰跡異難相攜唯當清

宵夢髮髯願

一作期

攀躋

御定全唐詩卷三百七十五